



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-14-15788-1/19
Sarajevo, 06.06.2019. godine

Na osnovu Zaključka Skupštine Kantona Sarajevo broj: 01-05-27711/13 od 13.11.2013. godine, čl. 4. i 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 6/19), člana 6. stav 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13 i 16/14) i Javnog poziva za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2019. godinu broj: 06-14-10945-1/19 od 20.03.2019. godine, ministar za boračka pitanja Kantona Sarajevo donosi

ODLUKU

o odobravanju sredstava za finansiranje/sufinansiranje projekta pružanja pravne pomoći osumnjičenim i optuženim bivšim pripadnicima Oružanih snaga RBiH za 2019. godinu

I

Odobravaju se sredstava u ukupnom iznosu od 100.000,00 KM (slovima: stotinhiljada KM), **Fondaciji „Patriotski front“ Hadžići** (u daljem tekstu: Fondacija), za finansiranje/sufinansiranje projekta: „Pružanje finansijske pomoći optuženim za navodne ratne zločine na području Općine Hadžići“ prihvaćenog po Javnom pozivu za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2019. godinu (u daljnjem tekstu: Javni poziv).

II

Sve aktivnosti iz odobrenog projekata iz tačke I moraju biti u vezi direktne ili indirektna podrške optuženim braniteljima, odnosno u svrhu odbrane. Sredstva iz tačke 1. su odobrena za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, **te se ne mogu isplaćivati licima protiv kojih je donesena pravosnažna presuda.**

III

Odobrena sredstva iz tačke I ove Odluke terete budžetsku poziciju Ministarstva za boračka pitanja Kantona Sarajevo (u daljnjem tekstu: Ministarstvo), razdjel 13, glava 01, potrošačka jedinica 0001, ekonomski kod 614300, subanalitika DAN025 „Sufinansiranje pravne

pomoći u korist branilaca BiH“, a uplatiće se na račun Fondacije, na pogodan način, nakon potpisivanja odgovarajućeg Sporazuma.

IV

Sredstva iz tačke I ove Odluke su namjenska, te ih je Fondacija dužna utrošiti u skladu sa Sporazumom koji će potpisati sa Ministarstvom i instrukcijama Ministarstva, te uz poštivanje zakonskih propisa.

Fondacija je dužna, najkasnije u roku od 15 dana od dana okončanja realizacije projekta, Ministarstvu dostaviti izvještaj o provedenim aktivnostima i utrošenim sredstvima (realizaciji).

Izvještaj o provedenim aktivnostima i utrošenim sredstvima (realizaciji) mora sadržavati detaljno tekstualno obrazloženje svih izdataka, specifikacije izvršenih isplata sa navedenim aktima kojima se pravda utrošak sredstava (npr. ugovori, fakture, nalozi za plaćanje i izvodi, odluke, izvještaji korisnika o primljenim sredstvima i dr.).

U prilogu izvještaja moraju se dostaviti: kopije odluka nadležnog organa o odobravanju isplata i načinu realizacije aktivnosti, kopije faktura i ugovora na osnovu kojih je izvršena isplata, kopije naloga za plaćanje i izvoda, dokaz da je plaćena usluga i izvršena, odnosno izvještaj angažovanih lica o obavljenom poslu, koji prethodno treba biti ovjeren od strane odgovorne osobe Fondacije i drugo.

V

Realizaciju odobrenih sredstava iz tačke I ove Odluke pratit će Ministarstvo.

O b r a z l o ž e n j e:

Prilikom izrade Budžeta Kantona Sarajevo za 2019. godinu, a na osnovu činjenice da se protiv bivših branilaca RBiH podižu optužnice i pokreću sudski procesi, tokom kojih su optuženim licima za dokazivanje nevinosti potrebna izuzetno velika novčana te podrška u postupku odbrane, utvrđena je potreba za daljim obezbjeđenjem namjenskih sredstava kojima bi se finansirala pravna pomoć braniocima, odnosno pravna pomoć u korist bivših branilaca RBiH, te su shodno tome na odgovarajućoj budžetskoj poziciji Ministarstva za 2019. godinu i predviđena određena namjenska sredstva. Podršku aktivnostima pružanja pravne pomoći braniocima Bosne i Hercegovine u proteklom periodu dala je Vlada Kantona Sarajevo, a Skupština Kantona Sarajevo je donijela Zaključke broj: 01-05-29000/11 od 29.11.2011. godine i broj: 01-05-27711/13 od 13.11.2013. godine, kojima je zadužila Ministarstvo da putem fondacija registrovanih za ovu namjenu aktivira sve mogućnosti u cilju pravne, finansijske i materijale pomoći osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica.

Na Javni poziv je Fondacija „Patriotski front“ Hadžići svojim blagovremenim zahtjevom broj: 06-14-15788/19 od 05.04.2019. godine kandidovala jedan projekat, koji je dostavljen na propisanom obrascu uz kompletnu prateću dokumentaciju i to: Projekat „Pružanje finansijske pomoći optuženim za navodne ratne zločine na području Općine Hadžići“. Projekat se odnosi na cjelokupni rad Fondacije za 2019. godinu. Ukupna vrijednost projekta za 2019. godinu je 283.000 KM pri čemu se iz budžeta Kantona Sarajevo očekuje 128.000 KM.

Fondacija je osnovana Rješenjem Federalnog ministarstva pravde broj: 03-05-1-1458/11 od 09.12.2011. godine nakon hapšenja 8 građana Općine Hadžići, među kojima su bili Predsjednik ratnog pradsjedništva Općine Hadžići, Načelnik SJB Hadžići, Komandant 9.bbr koji su optuženi za navodne ratne zločine na području Općine Hadžići u periodu 1992.-1995. godina.

Nakon hapšenja svi optuženi su proveli u pritvoru 1 godinu tako da je u tom periodu Fondacija preduzela niz aktivnosti u cilju pružanja materijalne potpore porodicama, za njihovo preživljavanje, kao i za pružanje finansijske pomoći u cilju organizovanja što kvalitetnije odbrane na sudu. Te aktivnosti se kontinuirano odvijaju od 2011. godine do sada i cilj nam je da to traje do okončanja postupka.

Sjedište Fondacije je u ul. Hadželi br.64, Hadžići.

Na osnovu Prijedloga, broj: 06-05-10945-3.1/19 od 23.05.2019.godine, koji je dala Komisija za provođenje Javnog poziva za finansiranje/sufinansiranje projekta pružanja pravne pomoći osumnjičenim i optuženim bivšim pripadnicima Oružanih snaga RBiH u predmetima ratnih zločina za 2019. godinu (u daljnjem tekstu: Komisija) imenovana Rješenjem ministra za boračka pitanja Kantona Sarajevo broj: 06-05-10945-2/19 od 20.05.2019.godine, odlučeno je da se prihvati kandidovani projekat Fondacije, a ministar se opredijelio za navedeni iznos.

Sve aktivnosti iz odobrenog projekata iz tačke I moraju biti u vezi direktne ili indirektno podrške optuženim braniteljima, odnosno u svrhu odbrane.

Sredstva iz tačke 1. su odobrena za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, te se ne mogu isplaćivati licima protiv kojih je donesena pravosnažna presuda.

Fondacija pruža podršku isključivo za 8 optuženih branilaca iz Hadžića, a obzirom da je protiv optuženika nepravedeno izrečena osuđujuća presuda, nužno je uložiti maksimalne napore da u žalbenom postupku dokaže njihova nevinost.

S obzirom da se radi o implementaciji značajnih budžetskih sredstava, planiranih na budžetskoj poziciji Ministarstva, razdjel 13, glava 01, potrošačka jedinica 0001, ekonomski kod 614300, subanalitika DAN025 „Sufinansiranje pravne pomoći u korist branilaca BiH“, nadzor nad radom Fondacije u pogledu realizacije odobrenih sredstava iz tačke I ove Odluke kontinuirano će vršiti Ministarstvo.

Tokom realizacije odobrenih sredstava iz tačke I ove Odluke Fondacija će biti dužna odobrena sredstva trošiti namjenski i pridržavati se Sporazuma koji će potpisati sa Ministarstvom i instrukcija Ministarstva, te pozitivnih zakonskih propisa. U tom smislu sve isplate moraju biti izvršene na osnovu internih akata Fondacije uz obezbjeđenje potrebne prateće dokumentacije i odluka organa upravljanja. Isto tako, Fondacija će biti u obavezi dostavljati izvještaje o provedenim aktivnostima i utrošenim sredstvima (realizaciji).

Izvještaj o realizaciji mora sadržavati detaljno tekstualno obrazloženje svih izdataka, specifikacije izvršenih isplata sa navedenim aktima kojima se pravda utrošak sredstava (npr. ugovori, fakture, nalozi za plaćanje i izvodi, odluke, izvještaji korisnika o primljenim sredstvima i dr.).

U prilogu izvještaja moraju se dostaviti: kopije odluka nadležnog organa o odobravanju isplata i načinu realizacije aktivnosti, kopije faktura i ugovora na osnovu kojih je izvršena isplata, kopije naloga za plaćanje i izvoda, dokaz da je plaćena usluga i izvršena, odnosno izvještaj angažovanih lica o obavljenom poslu, koji prethodno treba biti ovjeren od strane odgovorne osobe Fondacije, i drugo.

Na osnovu navedenog, a obzirom da su za ovu namjenu već i odobrena sredstva u Budžetu Kantona Sarajevo za 2019. godinu, odlučeno je kao u dispozitivu ove Odluke.

VI

Ova Odluka stupa na snagu danom donošenja.



MINISTAR

mr. Ismir Jusko

Dostaviti:

- Fondacija „Patriotski front“ Hadžići
ul. Hadželi br.64, Hadžići,
- Sektor za ekonomske poslove Ministarstva,
- a/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

